

**PROTOKOL O SARADNJI IZMEĐU
VIJEĆA MINISTARA BOSNE I HERCEGOVINE**

I

MEĐURELIGIJSKOG VIJEĆA U BOSNI I HERCEGOVINI

Vijeće ministara Bosne i Hercegovine i Međureligijsko vijeće u Bosni i Hercegovini izražavajući saglasnost o potrebi poboljšane saradnje između ove dvije institucije zaključili su sljedeće

Član 1.

Ovim Protokolom o saradnji se definiraju prava i obaveze Vijeća ministara Bosne i Hercegovine i Međureligijskog vijeća u Bosni i Hercegovini (ugovorne strane) po pitanju pružanja usluga registriranim crkvama i vjerskim zajednicama u Bosni i Hercegovini, radi bolje saradnje između crkava i vjerskih zajednica sa institucijama Bosne i Hercegovine.

Član 2.

Međureligijsko vijeće u Bosni i Hercegovini preuzima obavezu da pomogne bolju komunikaciju između crkava i vjerskih zajednica u Bosni i Hercegovini i institucija Bosne i Hercegovine. Međureligijsko vijeće u Bosni i Hercegovini će u skladu sa svojim Statutom preuzimati zahtjeve i primjedbe crkava i vjerskih zajednica, iste će pripremati i predlagati rješenja određenih problema. Međureligijsko vijeće u Bosni i Hercegovini će kontaktirati crkve i vjerske zajednice kako bi ponudilo usluge posredovanja i koordiniranja crkava i vjerskih zajednica prema institucijama Bosne i Hercegovine.

Član 3.

Crkve i vjerske zajednice, imaju pravo da koriste usluge Međureligijskog vijeća u Bosni i Hercegovini.

Nijedna odredba ovog Protokola o saradnji neće se tumačiti u smislu da ograničava bilo koje pravo, bilo koje crkve i vjerske zajednice u Bosni i Hercegovini, niti će na bilo koji način da ograničava samostalnost registriranih crkava i vjerskih zajednica u Bosni i Hercegovini.

Član 4.

Vijeće ministara Bosne i Hercegovine će svake budžetske godine obezbijediti po 100.000,00 KM kao direktni transfer sa Jedinostvenog

računa trezora za potrebe rada Međureligijskog vijeća Bosne i Hercegovine.

Izuzetno, za 2008. godinu iznos iz stava 1. ovog člana će se obezbijediti iz tekuće rezerve Budžeta institucija Bosne i Hercegovine i međunarodnih obaveza Bosne i Hercegovine za 2008. godinu.

Član 5.

Ovaj Protokol o saradnji se zaključuje na neodređeno vrijeme.

Član 6.

Izmjene, dopune i raskid ovog Protokola o saradnji će se vršiti sporazumno između ugovornih strana.

Član 7.

Ovaj Protokol o saradnji se zaključuje na srpskom, bosanskom i hrvatskom jeziku u po dva primjerka, od kojih će po jedan biti pohranjeni u arhivama Međureligijskog vijeća u Bosni i Hercegovini i Vijeća ministara Bosne i Hercegovine.

Član 8.

Ovaj Protokol o saradnji stupa na snagu i primjenjuje se od dana potpisivanja.

Potpisano u Sarajevu 08. jula 2008. godine.

**Predsjedavajući
Vijeća ministara BiH**

dr. Nikola Špirić

**Predsjednik
Međureligijskog vijeća u BiH**

***Vinko kardinal Puljić
nadbiskup i metropolit vrhbosanski***